






第五〇七冊

四庫全書

●上海古籍出版社

本冊目次

江南通志（二）
卷首

清趙弘恩等監修
黃之雋等編纂……一

欽定四庫全書

史部
江南通志
目錄
原序

詳校官給事中_臣丁雲錦
檢討_臣德生覆勘

總校官編修_臣王燕楮
校對官中書_臣葉菴
謄錄貢生_臣李幽園

欽定四庫全書

史部十一

江南通志目錄

地理類三

郡會郡縣之屬

首卷

世祖章皇帝詔諭

卷十

聖祖仁皇帝詔諭

卷二之一

聖祖仁皇帝御製

卷二之二

世宗憲皇帝詔諭

卷三之一 卷三之二

皇上詔諭

卷四之一

欽定四庫全書

江南通志

輿地志

圖說

第一卷至第三卷

建置沿革總表

第四卷

建置沿革表

第五卷至第八卷

星野

第九卷

疆域

第十卷

山川

第十一卷至第十八卷

風俗

第十九卷

城池

第二十二卷至第二十一卷

公署

第二十二卷至第二十四卷

開津

第二十五卷至第二十八卷

古都邑

第二十九卷

古蹟

第三十卷至第三十六卷

壇廟

第三十七卷至第四十二卷

寺觀

第四十三卷至第四十八卷

河渠志

欽定四庫全書

黃河

第四十九卷至第五十三卷

淮

第五十四卷至第五十五卷

江

第五十六卷

海

第五十七卷

運河

第五十八卷至第六十卷

水利

第六十一卷至第六十二卷

水利治績

第六十三卷至第六十六卷

食貨志

田賦

第六十七卷至第七十三卷

戶口

第七十四卷至第七十五卷

徭役

第七十六卷

漕運

第七十七卷至第七十八卷

關稅

第七十九卷

蘆課

第八十卷

鹽法

第八十一卷

錢法

第八十二卷

欽定四庫全書

蠲賑

第八十三卷至第八十四卷

積貯

第八十五卷

物產

第八十六卷

學校志

學宮

第八十七卷至第八十九卷

書院

第九十卷

試院

第九十一卷

武備志

兵制

第九十二卷至第九十四卷

江防

第九十五卷

海防

第九十六卷

驛傳

第九十七卷至第九十八卷

職官志

文職

第九十九卷至第一百卷

武職

第一百十一卷

名宦

第一百十二卷至第一百十八卷

欽定四庫全書

江南通志

四

選舉志

進士

第一百十九卷至第一百二十四卷

舉人

第一百二十五卷至第一百三十四卷

薦辟

第一百三十五卷至第一百三十七卷

人物志

名賢

第一百三十八卷

宦績

第一百三十九卷至第一百五十卷

武功

第一百五十一卷至第一百五十二卷

忠節

第一百五十三卷至第一百五十六卷

考義

第一百五十七卷至第一百六十二卷

儒林

第一百六十三卷至第一百六十四卷

文苑

第一百六十五卷至第一百六十七卷

隱逸

第一百六十八卷至第一百六十九卷

藝術

第一百七十卷至第一百七十一卷

流寓

第一百七十二卷至第一百七十三卷

方外

第一百七十四卷至第一百七十五卷

欽定四庫全書

江南通志

五

賢淑

第一百七十六卷

義烈

第一百七十七卷至第一百八十一卷

完節

第一百八十二卷至第一百八十七卷

貞孝

第一百八十八卷至第一百八十九卷

藝文志

經部

第一百九十卷

史部

第一百九十一卷

子部

第一百九十二卷

集部

第一百九十三卷至第一百九十四卷

雜類志

第一百九十五卷至第一百九十六卷

紀聞

第一百九十七卷

機祥

撫史紀事

第一百九十八卷至第一百九十九卷

辨訛

第二百卷

臣等謹案江南通志二百卷

國朝兵部尚書兩江總督趙宏恩等監修先是

欽定四庫全書

江南通志

六

康熙二十二年總督于成龍與江蘇巡撫余

國柱安徽巡撫徐國相等奉部檄創脩通志

凡七十六卷雍正七年署兩江總督尹繼善

等承

詔重修乃於九年之冬開局江寧以原任中允黃之

雋等司其事因舊志討論潤色刊除踈駁補

苴罅漏凡閱五載至乾隆元年書成督臣宏

恩及江蘇撫臣顧琮安徽撫臣趙國麟等具

表上之卷首恭錄

上諭及

御製詩文以尊謨典次輿地次河渠次食貨次學校

次武備次職官次選舉次人物次藝文次雜

類發凡起例較舊志頗有體裁惟纂輯不出

一手微有抵牾黃之雋唐堂集中嘗稱是書

刻本與原稿多有舛互如蕩山在六安州之

霍山而仍謂即元時所置之潛山縣黃積程

欽定四庫全書

江南通志

七

元時俱東晉時新安守而誤入西晉其他遺

漏重複者甚多皆之雋離局以後為他人所

竄改者也司馬光修資治通鑑以史記以下

屬劉歆三國以下屬劉恕唐以下屬范祖禹

始終不易其知此意歟乾隆四十四年十一

月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

江南通志原序

臣以庸鈍備員楚北今年春恭荷

恩綸調撫吳會星言東裝順流趨事抵姑蘇方匝月復

蒙

皇恩授臣兩江總督臣正慮才不勝任會所司以江南

通志一書具詳

進呈

欽定四庫全書

江南通志

御覽臣於簿書繁冗之會分陰校閱并手而頌曰皇哉

煥哉我

聖天子同文之治誠曠古而一觀者也臣生逢唐虞三

代之時獲事

堯舜湯文之主竊覩威德文章車書玉帛之盛去歲准

禮部咨奉

旨催修湖廣通志隨檄督所司刻期告成臣颺言於簡

端因剞劂未竣先以抄寫本帙咨部令祇

命來吳更見江南勝樂臣何幸也臣固陋不文曩昔辨

事中秘出入部署仰窺

經筵鉅典

聖學天行茲於吳楚之間益藉志乘全書廣見博聞私

心彌切踴躍惟是江南為財賦重地其江山之挺

秀河海之扼要人物之英多典章制度之紛繁郡

邑稱名之沿革以及幽光潛德風俗土產傳聞吳

詞記載各別搜羅考核較之他省實為最難斯編

欽定四庫全書

江南通志

舊章周詳類序嚴慎以備

一統之採擇以揚北

聖代化成之萬一不尤為黼黻太平之盛事也哉至董

厲討論者則臣成龍臣國柱臣國相之力也臣涓

埃未効樂觀厥成謹稽首為序以

獻 音

康熙二十三年歲在甲子夏六月穀旦總督江南

江西等處地方軍務兼理糧餉操江兵部右侍

卽庶都察院右副都御史臣王新命謹序

欽定四庫全書

江南通志
原序

江南通志原序

我

皇上御極二十有二年癸亥禮部奉

旨檄催天下各省通志限三月成書臣成龍承乏兩江

總督應董其事江西去臣駐劄江寧千有餘里乃

檄署江西巡撫布政使臣張所志草創送臣審定

送卽具江南省通志則臣成龍與江蘇撫臣余國

柱安徽撫臣徐國相徽屬府州縣新舊各志及先

欽定四庫全書

江南通志
原序

儒先賢著述論建之有關地方應備珠拾者開局

江寧延聘在籍儒臣及文人宿學通達治體諳悉

典故者編纂稽考甲乙次第而臣成龍臣國柱臣

國相且相與親為討論焉并董屬在局諸臣就明

繼晷敬皇將事計六閱月而書成共七十六卷而

臣成龍以職掌所及當有以序其簡端竊見九州

之土宜貢賦載于禹貢中古文尚簡質不事詳贍

其後周官職方氏所掌與禹貢所載體制不同而

秦漢所收列國圖籍時久世遠莫可較訂嗣後或有所述出自一隅一事不足傳信即陳沂惕慎所撰山東四川通志亦稱善本又皆私自屬草體例未純

皇上乃渙大號申翼命先取各省之志以成一統之志正欲於衆中求其詳於繁中舉其要夫修志之役必始於縣縣志成乃上之府府薈集之為府志府志成上之督撫督撫薈集之為通志通志歸之禮

欽定四庫全書

江南通志

五

部然後輯為一統志于是無所不該山川貢賦土產人物之類無所不脩上下數千載使之瞭如目前然則通志之舉其事不綦重而為之不綦難歟且江南之視各省纂集雖均而難易懸絕何也各省通志原有成書而江南絕無所本事屬創始未易周匝窮搜博採豈無絃漏其難一也孫吳六代以逮明初其經國大猷代各異制披尋史乘浩如烟海旁考別紀又多舛誤稽辨雖勞詎協至當

其難二也江左人物甲於四方偉人駿烈尚多遺

佚至於節孝隱逸悉存姓氏既恐淆雜欲載訛謬

應沒幽潛其難三也所見異辭所聞異辭紀載歲

月遠於春秋虞初雜志任情好惡志家之體無容

疑誤並存載量之能豈盡銖黍不爽其難四也大

江左右僑立州郡分隸不常命名變易考往已多

無徵準令何由參覈其難五也而臣等又以迂疎

不學之才無以簿書塵冗之苦短綆汲深曷能勝

欽定四庫全書

江南通志

六

任唯足祇承

詔旨與同事諸臣其詳具慎纂集成書或止足以備一

統之採輯而未敢自信為良史也顧臣成龍自策

名入仕仰見

聖治名文

皇上覃詞隻字皆足與詩書典誥爭光逮及備官畿輔

聞見益親近又與江蘇撫臣國柱共事撫臣國柱

久在

禁庭身依

紫極常語 臣成龍

皇上以天縱之姿好學稽古講筵詰難燕閒辨問多發

先儒之未發

宵旰之暇考核異同披覽得失未嘗旦夕釋卷頻

命詞臣有所纂著皆足昭垂千載山至於高則拳石出

雲水歸於濶而淵泉不竭 臣等幸託

唐虞之盛世依附臯益之末光使僕儂鄙陋之所纂輯

欽定四庫全書

江南通志

得備崇文內庫之目以垂不朽 臣等寔有榮幸焉

是為序

昔

康熙二十三年三月望日總督江南江西等處地

方軍務兼理糧餉操江兵部尚書兼都察院右

副都御史 臣于成龍謹序

江南通志原序

我

皇上以英睿天縱之姿與精一危微之旨而稽古好學

盛治右文木天禁近既夙備馬班燕許之才復舉

博學宏詞之科拔其尤者並居祕府俾與侍從諸

臣纂修會典明史諸書以成一代之鴻文典冊且

於二十有二年

詔取各省通志剋期進

欽定四庫全書

江南通志

呈以備通志之採輯此誠古來採風問俗之遺徵而

國家政乎化洽之實效也 臣輔竊惟國之有史所以

紀事而昭信自馬遷創為紀傳表志之例分列成

書號稱良史後代因之而輿圖地志於是備載天

下之山川星野貢賦人物典章制度之類遂為紀

乘所必需今

聖天子特渙綸音亟命蒐輯宣付史館蓋有以也江南

為各省之首區疆域開廣形勢踞踞負山海而控

楚豫襟長江而帶大河其聲名文物財賦物產皆

甲天下以數千里內數千年間之建置沿革山川

風土事物人文之屬咸欲於志乎是備纖悉勿遺

此其事誠重而為之也誠難幸督臣于成龍撫臣

余國柱徐國相暨藩臬諸臣董率其事聘諸儒臣

文士編纂考校不數月而志以成臣輔名列監修

例得颺言以附簡末但臣以不敏待罪河干頻年

以來拮据奔走躬親畚鍤奉職不遑當茲

欽定四庫全書

江南通志

盛典未獲操觚從事惟是臣職司河務令觀於志即以

水利言之江南境內如黃淮二河則自高竇以迄

蕭碭如大江則自東流以至靖江延袤數千里間

按圖而索其中形勢之曲折郡邑之牙交地名之

詳審與夫沿海之墩汛湖泊之港漬莫不條分縷

晰瞭若指諸掌之於水也其詳如此則其他之所

載稱是可知此雖督撫藩臬諸臣董率之功與儒

臣文士編摩之力然而非我

皇上殷殷圖治宵旰靡寧致使薄海內外車書渾一崇

文數德留意千秋則又安能立成大一統之規模

蔚然備美以垂不朽之盛事哉臣輔既獲身與共

球之際會且幸名依臯益之末光謹沐浴拜手而

為之序

皆

康熙二十三年七月朔日總督河道提督軍務兵

部尚書兼都察院右副都御史臣斯輔謹序

欽定四庫全書

江南通志

江南通志原序

古者諸侯之國有史以紀時事墨子所謂百國春秋是也然皆紀言紀動而已自史遷創為紀傳表志之法歷代因之而括地志之類即遷史志例別為專本於是人物山川典章制度纖悉靡遺焉

皇上御極二十有二年

臣國柱

准禮部咨奉

旨催修江南通省志

臣與督臣于成龍

安徽撫

臣徐國

相及時趨事務求詳確志成

臣成龍

既記其歲月

欽定四庫全書

江南通志原序

乃纂修諸姓名書之簡端矣

臣國柱

有共事編摩

之役安得不一言以表

昭代崇文之盛竊見

國家鼎建兩京之外分省一十有四而江南最為重地通志一書視各省纂述為難蓋國之大計以財用為根本而江南田賦之供當天下十之三漕糈當天下十之五又益以江淮之鹽筴關河之征權是以一省當九州之半未已也神京東北運道

數千里一線長河淮泗交下黃流澎湃遷決汎濫
亦時間有而

聖朝聲教遠被扶桑槃木江南所統安東以南三河以北浩瀚汪洋黏天浴日帆檣出沒不可紀極上下兩江旅舟商舶絡繹繹奏菁華所萃風氣鬱發文章政績抱瑾懷瑜之士蜚聲騰實肩隨踵接仕宦科名皆為諸省之冠且鍾阜石頭六朝遺蹟建置沿革紀乘清謁而臣等操數寸之管勾稽薈綴部

欽定四庫全書

江南通志原序

次爬梳欲其絃漏無識有當良史足稱我

皇上乙夜之披覽不其難乎

臣國柱

自備官郎署改授

掖垣洊歷卿貳旋副中臺奏對

彤扉趨聯

丹陛親見我

皇上以天縱英姿勤學好問圖書典籍不離左右

聽覽餘閒考訂繙繹未嘗旦夕少輟蓋以

睿智詰謀之聖性遙契危微精一之聖心推行之為政

欽定四庫全書

江南通志

上

治而昭垂之為文章以上接堯舜禹湯文武道統
有非臣下所能蓋測管窺者故於郡國方輿亦所
留意因命修一統志先之以各省通志是將以考
山川阨塞歷朝興廢之所由焉紀士風民俗之貞
淫焉稽結繩繼緒泉徭征之繁重墳壤之腴瘠閭閻
貧富民生之疾苦焉臣等所為聖皇詳慎宵旦不
遑以底成書莫無負此盛事也往明初修一統志
出自宋濂諸人皆一代名儒然紀山川則詳於名

勝而畧於形勢叙建置則但存名號而不及廢興

詞賦之資有餘而問於大指未備其後陳沂楊慎

陳善郭子章之流號稱博綜究皆私家紀述非奉

詔纂修故體未純脩至若江南前代所傳如南部

烟花吳地廣記金陵瑣事之類益復細碎無當紀

乘臣等仰奉

綸音博收肆採詳覈約存雖才識寡陋聞見淺隘然而

紀載辨考不敢稍忽刪繁寧要類聚卽居為圖表

欽定四庫全書

江南通志

上

以著呈野輿地之形為分志以見天文禮樂車服
之度為備考以悉職官選舉田賦匠作之詳為列
傳以錄名臣鉅儒忠孝節義之大為藝文以載古
今著述體尚之全為雜著以補聞見流傳之失統
計共若干卷數千里之內數千年之間舉凡隆替
盛衰險易得失貞淫休戚諸大故一開卷而瞭若
指掌鑑古可以知今觀風因而設教具在是矣惟
是江南省志從無定本今則合各郡志之繁雜成
於三月之定限擇焉不精語焉不詳所謂腹餒者
難為華贗固者難為通此又臣國柱與臣督臣成龍
守此戰戰也謹薰沐拜手稽首而附陳志事之始
末有如此云是為序

告

康熙二十三年正月望日總理糧儲提督軍務巡

撫江寧等處地方都察院右副都御史臣余國

柱謹序

江南通志原序

粵稽禹蹟之在天下也南紀居三條之一而聖人所以經理南條者曰九江孔殷曰震澤底定蓋由海門達吳會皆其彈力注措之地江有上下治同一源意當日功參造化教被方隅文物度數之輕齊土田兵農之區畫必有一正俱正一定俱定者故吳頭楚尾吳根越角悉隸揚州則壤既同其所率由無不同也然則應璩所云千里不同風者宜

欽定四庫全書

江南通志

三代以前之論乎

興朝德邁九皇治超隆古而經理南條仍按禹蹟之舊於海門震澤設兩撫臣以鎮之臣國相備員上游塞飭嚴疆已經七載初至則猶楚氛震隣時嚴斥埃鳳泗瘠壤多不逢年既而

皇威遐播四境寧謐吠犬無驚

恩卹屢霑臣曉碩之區均歌含哺臣於是登皖峰望三

吳不禁欣然曰美哉鬱蔥佳氣東南之化域而財

賦之樞機也陳詩納賈以觀民風此其時矣歲癸亥適逢

皇上俞禮部之請僅取各直省通志

臣同督臣成龍撫

臣國柱

廣延宿學揚權紀乘刑繁補闕衷舊益新

閱六月而江南通志告成竊念臣所轄者七郡三

州也宜乎見聞親切莫先於是顧金陵處吳會之

中臣昔職掌承宣於錢穀出入外凡吳地造化之

所鍾靈方隅之所扼要暨土田兵農之位置文物

欽定四庫全書

江南通志

度數之敷施蓋居省會時已習知其大同矧復叨

鎮撫諮詢閭厯不啻加詳今從兩臣後彈力編摩

鋪陳典制目張綱舉有脊有倫信乎海門震澤江

分上下治同一原也抑臣嘗考禹會諸侯於塗山

執玉帛者萬國山經海志皆蓋搜諸人載筆以成

迄西漢盛時天子登滿山封為南嶽紀功頌德作

盛唐機陽之歌二者在皖濠間皆臣部內事也臣

之通經作頌之才而與萬國共球之會則亦已榮

踰益授其於漢臣歌感唐者何有哉是編述

呈得蒙

御覽國東南之幸而尤私賀微臣之克逢盛典也爰沐
浴拜手而為之序

音

康熙二十三年三月望日巡撫安徽寧池太廬鳳
潯和廣等處地方提督軍務岳部尚書兼都察
院右副都御史加十三級臣徐國相謹序

欽定四庫全書

江南通志

江南通志原序

粵稽周官小史掌邦國之志外史掌四方之志用
以周知天下山川風土職育官師諳俗之宜此志
所由昉也逮其後郡國有圖經風土有記方輿有
考良為知古知今識大識小之藉大都出於學士
之記載草野之傳述雖淹洽舊聞弗足銷揚鉅典
洪惟我

皇上治定功成登三咸五而尤體國經野為兢兢爰

欽定四庫全書

江南通志

勅纂修會典彙為一代章程并修一統志以徵四方文
獻各省通志同時並輯而江南雄長諸省地亘江
淮扼荆楚而接中州環瀛海而引閩越洵寰宇之
要區

國家之外府聲名文物之淵藪其揅拾固不可不詳

攷核尤不可不謹先是總督臣于成龍臣巡撫臣余

國柱臣徐國相臣廣稽慎覈業已編輯成書臣桂斗

甲子仲春謹承